

粵海關志

輿海關志卷十九

禁令三

商販禁令

道光十八年閏四月鴻臚寺卿黃爵滋奏言

臣

惟

皇上宵衣旰食所以爲天下萬世計者至勤且切而
國用未充民生罕裕情勢積漸一歲非一歲之比
其故何哉考諸

純廟之世籌邊之需幾何

巡幸之費幾何修造之用又幾何而上下充盈號稱極富嘉慶以來猶微豐裕士夫之家以及巨商大賈奢靡成習較之目前不啻霄壤豈愈奢則愈豐愈儉則愈嗇耶臣竊見近日銀價遞增每銀一兩易制錢一千六百零非耗銀於內地實漏銀於外夷也蓋自鴉片流入中國我

仁宗睿皇帝知其必有害也故誥誡諄諄例有明禁然當時臣工亦不料其流毒至於此極矣早知若此必有嚴刑重法過於將萌查例載凡夷船到

廣必先取具洋商保結保其必無夾帶然後聽其八口爾時雖有保結視爲具文夾帶斷不能免故道光三年以前每歲漏銀數百萬其初不過執袴子弟習爲浮靡尙知斂戢嗣後上自官府指紳下至工商優伶以及婦女僧尼道士隨在吸食置買煙具爲市日中

盛京等處爲我

朝根本重地近亦漸染成風外洋來煙漸多有躉船載煙不進虎門海口停泊零丁洋中之老萬

山大嶼山等處粵省奸商勾通巡海兵弁用扒龍快蟹等船運銀出洋運煙入口故自道光三年至十一年歲漏銀一千七八百萬兩自十一年至十四年歲漏銀二千餘萬兩自十四年至今漸漏至三十餘萬兩之多此外福建浙江山東天津各海口今之亦數千萬兩以中國有用之財填海外無窮之壑易此害人之物漸成病國之憂日復一日年復一年臣不知伊于胡底各省州縣地丁漕糧征錢爲多及辦奏銷皆以

錢易銀折耗太苦故前此多有盈餘今則無不
賠墊各省鹽商俱係錢文交課盡歸銀兩昔之
爭爲利藪今則視爲畏途若再至數年間銀價
愈貴奏銷如何能辦稅課如何能清設有不測
之用如何能支臣每念及此輾轉不寐今天下
皆知漏卮在鴉片所以塞之之法亦紛紛講求
或謂嚴查海口杜其出入之路固也無如稽查
員弁未必悉皆公心每歲既有數千餘萬之交
易分潤毫釐亦不下數百萬兩利之所在誰肯

認真查辦偶有所獲已屬寥寥況沿海萬餘里隨在皆可出入此不能塞漏卮者一也或且禁止通商按其貽害之本似也不知洋夷載入呢羽鐘表與其所載出茶葉大黃湖絲通計交易不足千萬兩其中沾潤利息不過數百萬兩尙係以貨易貨較之鴉片之利不敵數十分之一故夷人之着意不在彼而在此今雖棄粵海關稅不准通商而煙船本不進口停泊大洋居爲奇貨內地食煙之人刻不可緩自有奸人搬運

故難防者不在夷商而在奸民此不能塞漏卮者二也或曰查拿與販嚴治煙館不能清其源亦庶可遏其流不知自定例以來與販鴉片者發邊遠充軍開設煙館者照左道惡人引誘其家子弟罪至絞今天下興販者不知幾何開設煙館者不知幾何而各省辦此業者絕少蓋原粵省總辦鴉片之人據設審口自廣東以至各省沿途開口聲勢聯絡各省販煙之人其資本重者審口沿途包送關津胥吏將應放行轉於

往來客商藉查煙爲名恣意留難勒索其各府
州縣開設煙館者類皆奸猾吏役兵丁勾結故
家大族不肖子弟素有聲勢於重門深巷之中
聚衆吸食地方官之幕友家人半溺於此未有
不庇其同好此不能塞漏卮者三也或又曰開
種粟之禁聽內地熬煎煙膏庶可抵當外夷
所入積之漸久不至紋銀出洋殊不知內地所
熬之煙食之不能過癮不過與販之人用以燒
和洋煙希圖重利此雖開種粟之禁亦不能

煙片之害其終不能禁乎
臣謂非不能禁實未知其所以禁也夫耗銀之
多由於販煙之盛販煙之盛由於食煙之衆無
吸食者自無興販無興販則外夷之煙自不來
矣今欲加重罪名必先重治吸食臣請

皇上嚴降諭旨自今某月日起至明年某月日止准
給一年期限戒煙雖至大之癮未有不能斷絕
若一年以後仍然吸食是不奉法之罪民置之
重刑無不平允查舊例吸食鴉片者罪僅枷杖

其不指出與販者罪止杖一百徒三年然皆係
活罪斷癮之苦甚於枷杖與徒故甘犯明刑不
肯斷絕若罪以死論臨刑之慘急更苦於斷癮
之苟延臣知其情願絕癮而死於家必不願受
刑而死於市惟

皇上明慎用刑之意誠恐立法稍嚴互相告訐以至
流及無辜然吸鴉片者是否有癮到官熬審立
刻可辨如非吸食之人雖大怨深仇不能誣枉
良善果係吸食究亦無從掩飾故雖用刑並無

流弊臣查余文儀臺灣志云咬啣吧本輕捷善
鬪紅毛製造鴉片誘使食之遂疲羸受制其國
竟爲所據紅毛人有自食鴉片者其法集衆紅
毛人環視繫其人竿上以礮擊之入海故紅毛
無敢食者今入中國之鴉片來自暎咭喇等國
其國有食鴉片者以死論故各國祇有造煙之
人無食煙之人臣又聞夷船到廣由孟薏經安
南邊境初誘安南人食之安南人覺其陰謀立
卽嚴出示禁凡有食鴉片者死不赦夫以外夷

之力尙令行禁止况我

皇上雷電之威赫然震怒雖愚頑之沈溺旣久自足以發贖振聾但大計非常情所及惟

聖明乾綱獨斷不必衆議僉同誠恐畏事之人未肯爲國任怨明知非嚴刑不治託言吸食人多治之過驟則有決裂之患今寬限一年是緩圖也在

諭旨初降之時總以嚴切爲要

皇上之旨嚴則奉法之吏肅奉法之吏肅則犯法之

人畏一年之內尙未用刑十已戒其八九已食者竟藉

國法以保餘生未食者亦因炯戒以全身命此皇上止辟之大權卽好生之盛德也復請

飭諭各省督撫嚴切曉諭廣傳戒煙藥方毋得逾限吸食並一面嚴飭各府州縣清查保甲預先曉諭居民定於一年後取具五家鄰佑互結仍有犯者准令舉發給予優獎倘有容隱一經查出本犯照新例處死外互結之人照例治罪至如

通都大邑五方雜處往來客商去留無定鄰佑
難於查察責成鋪店如有容留食煙之人照窩
藏匪類治罪現任文武大小各官如有逾限吸
食者是以奉法之人等爲犯法之事應照常人
加等除本犯官治罪外其子孫不准考試地方
官於定例一年後如能實心任事拿獲多起者
照獲盜例請

恩議叙以示鼓勵其地方官署內官親幕友家丁仍
有吸食被獲者除本犯治罪外該本管官嚴加

議處各省滿漢營兵每任取結照地方保甲辦理其所管轄失察人照地方官衙門辦理庶幾軍民一體上下肅清無論窮鄉僻壤務必布告詳明使天下曉然於

皇上愛惜民財保全民命之至意向之吸食鴉片者自當畏刑感德革面洗心如是則漏卮可塞銀價不致日昂然後講求理財之方誠天下萬世臣民之福也奏八

諭曰黃爵滋奏請嚴塞漏卮以培國本一摺著盛京

吉林黑龍江將軍直省各督撫各抒所見妥議
章程迅速具奏欽此

道光十九年五月 宗人府等衙門會議奏言
臣等查鴉片之來皆由海口內地奸民與夷匪
私相交易加以弁兵縱容受財護送以致毫無
顧忌肆意暢行錮習益深日甚一日受其害者
類皆沉溺不返幾同毒藥迷人迨至骨立形銷
等於殘廢而執迷不悟莫可挽回我
皇上恫瘝在抱欲爲天下除此大患

特命廷臣會同妥議明定章程以期易俗移風還淳
返樸臣等謹就黃爵莊原奏及各省將軍督撫
科道條陳各摺彙互考訂擇其實可見諸施行
者臚列以陳用備

採擇竊惟明刑所以弭教立法尤貴因時鴉片之禁
載在爰書果能及早查拿尙至流毒如今日之
甚總緣各省大小臣工視為具文不肯認真查
辦遂致澆風日熾幾成習慣自然當此波靡日
甚之時勢非雷厲風行不足以振聾啟瞶查海

販害口實爲禍首罪魁必應一律從嚴分別論
罪方足以破奸徒之膽而昭情法之平至若巡
海兵弁假公濟私內地奸商輾轉銷售以及開
設煙館引類呼朋墮其術者罔不形同鬼域蕩
產傾家傳染幾徧天下覈其情罪實爲

盛世所不容必應明罰敕法俾無倖逃使狡獪之徒
共凜然於法律森嚴不敢冒危險以圖重利而
後其源可塞其流自清數十年漸染之風不待
禁而自止矣至於吸食鴉片者初則被人引誘

半屬愚民近則視爲泛常明日張膽已屬罪不容誅倘經此次廣爲勸諭依然怙惡不悛律以藐法則爲亂民律以梗化則爲頑民緣情定讞愚民可寬亂民頑民必不可寬況吸食之弊一日不斷則興販之來一日不絕是興販與吸食厥罪維均斷不容稍從寬典惟有一律從嚴俾吸食者共畏刑書興販者無從牟利庶可根株盡絕永杜弊源此外官員之失察胥吏之得財商船之窩藏關津之偷漏棍徒之冒充官人奸

民之栽贓誣陷種種流弊不可勝數臣等謹按所犯情節酌定罪名列爲三十九條伏乞

欽定

一開設窩口等犯向無治罪專條今擬沿海奸徒開設窩口勾通外夷潛買鴉片煙土入口囤積發賣圖利一經審定首犯擬斬立決恭請

王命先行正法仍傳首海口地方懸竿示衆爲從同謀及接引護送之犯並知情受雇之船戶均

擬絞監候房屋船隻一律入官 吏部查向
例洋船夾帶鴉片煙進口等項情弊官員失
察處分係按斤數覈議至降一級調用止且
只有該管地方官處分其各該管上司並未
議及查則例內載洋船夾帶鴉片煙進口及
奸民私種罌粟煎熬煙膏開設煙館文職地
方及巡查海口委員能自行拏獲究辦免其
議處其有得規故縱者嚴參革職私罪若止
失於覺察一百斤以上者罰俸一年一千斤

以上者降一級留任五千斤以上者降一級
調用俱公罪等語竊思現在嚴定章程沿海
奸徒開設窖口勾通外夷買煙囤積罪名既
擬以斬梟失察之地方官及該管各上司自
應分別從嚴酌定處分以昭慎密應請嗣後
如有沿海奸徒開設窖口勾通外夷潛買鴉
片煙土八口囤積發賣所犯罪名至斬梟者
該管各官亦應從重定議如有知情故縱者
嚴參革職私罪如失於覺察照奸民倡設邪

敬惑衆斂錢之例議處州縣官降二級調用
府州降一級留任道員罰俸一年兩司罰俸
九箇月督撫罰俸六箇月俱公罪如別處發
覺因案審出或上司飭查俱係全獲究辦或
隣境關查隨同全獲究辦或自行查出獲犯
及半兼獲首犯俱准功過相抵免其議處若
獲犯及半未獲首犯或獲犯尙未及半已獲
首犯俱照隣境獲犯之例減等議處 兵部
查失察之地方官應照失察民人傳習西洋

教例將專汛官降二級調用兼轄官降二級
留任統轄官降一級留任提督總兵罰俸九
箇月俱公罪知情諱匿不報者專汛官照諱
盜例革職私罪該管上司照諱盜例分別議
處如別處發覺因案審出隨即獲犯及半或
隣境關查隨同獲犯究辦俱各照隣境獲犯
之例減等議處自行查出究辦者免議

一沿海員弁人等收受密口財物縱放煙土向
無治罪專條今擬海口員弁兵丁受賄故縱

無論贓之多寡概擬梟立決其未經得賄但知情徇縱或漏信致令脫逃俱發往新疆地方係員弁充當苦差兵丁爲奴如訊不知情實係失於覺察者兵丁杖一百徒三年文武員弁及失察之海關監督吏部查沿海設立員弁兵丁原以地近海洋稽查更宜週密若海口吏役人等收受客口財物縱放煙土罪名既從嚴辦理失察處分亦應從重定議應請嗣後如有海口吏役人等受賄故縱罪

應絞決者失察之該管官卽從重照失察沿海姦徒勾通外夷犯該斬梟之例降二級調用府州降一級留任道員罰俸一年兩司罰俸九箇月督撫罰俸六箇月俱公罪知情徇縱漏信脫逃犯該軍流者失察之該管官降二級留任府州罰俸九箇月道員罰俸六箇月兩司罰俸三箇月督撫罰俸兩箇月俱公罪自行查拏究辦者免議如官員犯有前項情弊照本管官失察吏役處分上加等辦理

犯該絞決者失察之該管官降三級調用兼
轄官降二級留任統轄官降一級留任兩司
罰俸一年督撫罰俸九箇月俱公罪知情徇
縱漏信脫逃罪應發往新疆充當苦差者失
察之該管官降一級調用兼轄官罰俸一年
統轄官罰俸九箇月兩司罰俸六箇月督撫
罰俸三箇月俱公罪上司查出揭參者免議
至海關監督失察所屬官員及失察吏役人
等犯有前項情弊者均照前例分別議處

絞決者失察之該管官卽照失察沿海姦徒
勾通外夷犯該斬梟之例降二級調用兼轄
官降二級留任統轄官降一級留任提督總
兵罰俸九箇月俱公罪知情徇縱漏信致令
脫逃犯該軍流者失察之該管官降二級留
任兼轄官罰俸一年統轄官罰俸九箇月提
督總兵罰俸六箇月俱公罪自行查出究辦
者免議如有官弁犯有前項情弊照本管官

失察兵丁處分上加等辦理犯該絞決者失
察之該管上司降三級調用兼轄官降三級
留任提督總兵降一級留任俱公罪知情徇
縱漏信致令脫逃罪應發往新疆充當苦差
者失察之該管上司降一級調用兼統官罰
俸一年提督總兵罰俸九箇月俱公罪上司
查出揭參者免議

一鴉片煙案內合夥開設窩口並合夥興販人
犯應分別首從辦理向無專條今擬拏獲鴉

片煙案犯如有合夥開設窖口並合夥興販者無論出錢多寡以造意者爲首餘俱以爲從論

一寄囤夷船鴉片煙土之犯向無治罪專條今擬沿海姦徒貪利寄囤夷船鴉片煙土流毒內地者照開設窖口從犯治罪其尋常興販煙土案內究出知情受寄之犯減首犯一等治罪

一得財賣放鴉片煙案犯之官役人等向無治

罪專條今擬拿獲與販鴉片煙及吸食之犯
如有不肖官吏並兵役人等得財賣放者與
本犯一體治罪贓重者計贓以枉法從重論
吏部查拏獲與販鴉片煙及吸食之犯如
有吏役人等得財賣放罪應斬梟者失察之
該管官降三級調用府州降二級留任道員
降一級留任兩司罰俸一年督撫罰俸九箇
月俱公罪罪應斬梟立決者該管官降二級
調用府州降一級留任道員罰俸一年兩司

罰俸九箇月督撫罰俸六箇月俱公罪應
斬絞監候者該管官降一級調用府州罰俸
一年道員罰俸九箇月兩司罰俸六箇月督
撫罰俸三箇月俱公罪罪應軍流者該管官
降二級留任府州罰俸九箇月道員罰俸六
箇月兩司罰俸三箇月督撫罰俸兩箇月俱
公罪自行查拏究辦者免議如官員犯有前
項情弊照失察吏役處分上加等辦理罪應
斬梟者該管官降四級調用兼轄官降三級

留任統轄官降二級留任兩司降一級留任
督撫罰俸一年俱公罪罪應斬絞立決者該
管官降三級調用統轄官降二級留任統轄
官降一級留任兩司罰俸一年督撫罰俸九
箇月俱公罪罪應斬絞監候者該管官降二
級調用統轄官降一級留任統轄官罰俸一
年兩司罰俸九箇月督撫罰俸六箇月俱公
罪罪應斬流者該管官降一級調用統轄官
罰俸一年統轄官罰俸九箇月兩司罰俸六

節月督撫備供三個月供公署上司查出揭
參者免議兵部查拏獲與販鴉片煙及吸
食之犯如有不肖官兵得財賣放者既與本
犯一體治罪失察之該管各官自應仍按罪
名議處惟係官兵得財賣放應以次加等定
議應請嗣後各省兵丁拏獲與販鴉片煙及
吸食之犯如有得財賣放犯該斬梟者失察
之該管官卽照失察沿海姦徒勾通外夷罪
應斬梟之例加等降三級調用兼轄官降三

級留任統轄官降二級留任提督總兵降一
級留任俱公罪犯該斬絞立決者失察之該
管官降二級調用兼轄官降二級留任統轄
官降一級留任提督總兵罰俸一年俱公罪
犯該斬絞監候者該管官降一級調用兼轄
官降一級留任統轄官罰俸一年提督總兵
罰俸九箇月俱公罪犯該軍流者失察之該
管官降二級留任兼轄官罰俸一年統轄官
罰俸九箇月提督總兵罰俸六箇月俱公罪

自行查出究辦者免議如員弁犯有前項情
弊犯該斬梟者失察之該管上司降四級調
用兼統官降四級留任提督總兵降三級留
任俱公罪犯該斬絞立決者該管上司降三
級調用兼轄官降三級留任提督總兵降二
級留任俱公罪犯該斬絞監候者該管上司
降二級調用兼統官降二級留任提督總兵
降一級留任俱公罪犯該軍流者該管上司
降一級調用兼統官降一級留任提督總兵

罰俸一年俱公罪上司查出揭參者免議

一禁卒人等遞給鴉片煙與犯人吸食向無治罪專條今擬內外問刑衙門收禁人犯如有禁卒人等私行傳遞或代買鴉片煙與犯人吸食者發極邊煙瘴充軍其奉官解遞看守之犯解役看役人等有犯前項情弊發近邊充軍賊重者計贓以枉法從重論失察之該管各官吏部查禁卒人等將鴉片煙與犯人吸食該管官知情故縱者革職私罪失於

覺察管獄官照約束不嚴例降一級調用有
獄官降一級留任俱公罪如提解看守之犯
解役看役人等將鴉片煙與犯人吸食者該
管官失於覺察照有獄官例降一級留任公
罪自行查拏究辦者免議 兵部查禁卒人
等如有私行傳遞鴉片煙與犯人吸食者失
察之管獄官照約束不嚴例降一級調用公
罪其奉官解遞看守人犯之兵役人等有犯
前項情弊將失察之該管官降一級留任公

罪自行查出究辦者俱免議

一栽煙誣賴之犯向無治罪專條今擬拏獲鴉片煙見發有據者方坐不許妄攀拖累如兵役人等並地方匪棍冒充兵役假以查拏鴉片煙爲由肆行搶奪並懷挾讐恨或希圖訛詐栽煙誣賴審實不分首從俱照誣良爲盜例發邊遠充軍贓至一百二十兩以上者爲首擬絞監候吏部查定例捕役誣拏良民爲盜私用非刑拷逼致死將失察之州縣

官革職府州降二級調用道員降一級調用
臬司降一級留任督撫罰俸一年俱公罪未
致死者州縣官降三級調用府州降一級調
用道員降一級留任臬司罰俸一年督撫罰
俸六箇月俱公罪如係自行訪拏審出未致
死者免議已致死者仍照例議處上司查出
揭參者免議又定例已革捕役誣良爲盜已
致死者州縣官降二級調用未致死者降一
級調用俱公罪如係自行訪拏審出未致死

者免議已致死者仍照例議處又定例地方
豪棍遊行街市藉端訛詐勒騙錢物酗酒行
兇州縣官失於覺察者降一級留任公罪自
行舉究者免議各等語查補役假以查拏鴉
片煙爲由肆行搶奪並懷挾讐恨或希圖訛
詐栽煙誣賴既照誣良爲盜例治罪失察之
該管官亦應照失察捕役誣良爲盜例議處
係已革捕役亦照失察已革捕役誣良爲盜
例議處如係自行訪拏審出未致死者免議

已致死者仍照例議處係匪徒冒充兵役犯
有前項情弊照失察提徒說詐財物例議處
自行擊斃者免議 兵部查兵役人等裁煙
誣賴既照誣良爲盜例治罪其失察之該管
各官亦應照誣良爲盜例議處應請嗣後在
京及各省兵丁如有裁煙誣賴拖累致死者
將失察之該管官革職兼統官降二級調用
總兵降一級調用提督罰俸一年如未經致
死者該管官降二級調用兼統官降一級調

用總兵罰俸一年提督罰俸六箇月俱公罪
上司各官查出揭參者免議該管官自行訪
拏究出已致死者降二級留任公罪未致死
者免議至地方匪棍冒充兵役栽煙誣賴者
責令該管營員巡查緝拏如明知不行查拏
者專汛兼轄各官俱革職得財私縱誆稱失
脫者革職提問俱私罪如不知情失於查拏
者專汛官降一級留任兼轄官罰俸一年俱
公罪自行查拏究辦者免議

一鴉片煙案犯告稱留養向無專條今擬鴉片煙案內問擬流罪以上人犯有告稱留養者概不查辦

一鴉片煙案內自首及聞拏投首人犯向無專條今擬鴉片煙案內人犯如有事未發而自首者照犯罪自首律准其免罪聞拏投首者於本罪上減一等科斷首後復犯加一等治罪不准再首

一吸食鴉片煙之案止准地方官弁訪拏究辦

不許旁人訐告如有訐告者均不准審理儻
係干犯名義仍照本律治罪

一開設鴉片煙館原例爲首擬絞監候爲從擬
滿流今擬私開鴉片煙館引誘良家子弟者
首犯擬絞立決房屋入官從犯及知情租給
房屋之犯發新疆給官兵爲奴房屋一律入
官兵役受賄包庇與犯一體科罪其知情之
地保鄰佑人等俱仍照舊例杖一百徒三年
有贓計贓准枉法從重論失察之該管各官

吏部查姦徒開設鴉片煙館引誘良家子弟州縣官知情故縱者革職私罪係吏役受賄包庇罪應絞決者失察之該管官降二級調用府州降一級留任道員罰俸一年兩司罰俸九箇月督撫罰俸六箇月俱公罪自行查拏究辦者免議係失察民人開設鴉片煙館引誘良家子弟並無吏役包庇情事犯該絞決者州縣官降一級調用府州罰俸一年道員罰俸九箇月兩司罰俸六箇月督撫罰

俸三箇月俱公罪如別處發覺因案審出或
上司飭查俱係全獲究辦或鄰境關查隨同
全獲究辦或自行查出獲犯及半兼獲首犯
俱准功過相抵免其議處若獲犯及半未獲
首犯或獲犯尙未及半已獲首犯俱照鄰境
獲犯之例減等議處 兵部查姦徒開設鴉
片煙館引誘良家子弟罪應絞決者失察之
專汛官降一級調用兼轄官降一級留任統
轄官罰俸一年俱公罪如別處發覺因案審

出隨卽獲犯究辦或鄰境關查隨同獲犯究辦俱各照鄰境獲犯之例減等議處倘兵丁受賄包庇罪應絞決者失察之該管官降二級調用兼轄官降二級留任統轄官降一級留任俱公罪自行查拏究辦者免議

一栽種鴉片煙及買土煎熬售賣人犯原例爲首發邊遠充軍爲從流二千里與販鴉片煙人犯爲首發近邊充軍加枷爲從滿徒今擬內地姦民人等有栽種罌粟花收漿製造鴉

片煙土或煎熬成膏售賣及興販鴉片煙膏
煙土發賣圖利數至五百兩或雖不及五百
兩而興販多次者首犯擬絞監候爲從發極
邊煙瘴充軍若興販僅止一二次並爲數不
及五百兩爲首發新疆給官兵爲奴爲從發
極邊足四千里充軍兵役受賄包庇與首犯
一體科罪贓重者計贓以枉法從重論其知
情租給田地房屋之業主及知情受雇之船
戶但在一年以外者發邊遠充軍一年以內

杖一百流二千里半年以內杖一百徒三年
田地船隻房屋一律入官有能自行首告將
犯指拏到官者免罪田地船隻房屋並免入
官首而無獲者但准免罪田地船隻房屋仍
行入官鄰佑地保知而不首各杖一百有贓
者計贓准枉法從重論仍令各督撫責成該
管道府實力查禁其有查禁不力並失察與
販之該管各官 吏部查內地姦民人等栽
種罌粟花收漿製造鴉片煙土煙膏售賣興

販州縣官知情故縱者革職永不叙用私罪
係吏役受賄包庇罪應絞候者失察之該管
官降一級調用府州罰俸一年道員罰俸九
箇月兩司罰俸六箇月督撫罰俸三箇月俱
公罪罪應擬軍者該管官降二級留任府州
罰俸九箇月道員罰俸六箇月兩司罰俸三
箇月督撫罰俸兩箇月俱公罪自行查拏究
辦者免議如係民人栽種罌粟製造鴉片煙
並興販煙土煙膏犯該絞候者失察之州縣

官降二級留任府州罰俸九箇月道員罰俸
六箇月兩司罰俸三箇月督撫罰俸兩箇月
俱公罪犯該軍罪者州縣官降一級留任府
州罰俸六箇月道員罰俸三箇月兩司罰俸
兩箇月督撫罰俸一箇月俱公罪如別處發
覺因案審出或上司飭查俱係全獲究辦或
鄰境關查隨同全獲究辦或自行查出獲犯
及半兼獲首犯俱准功過相抵免其議處若
獲犯及半未獲首犯或獲犯尙未及半已獲

首犯俱照鄰境獲犯之例減等議處 兵部

查內地姦民人等如有栽種罌粟花收漿製
造鴉片煙土或煎熬成膏售賣及與販鴉片
煙膏煙土發賣圖利犯該絞候者失察之專
汛官降二級留任兼轄官罰俸一年統轄官
罰俸九箇月犯該軍流者專汛官降一級留
任兼轄官罰俸九箇月統轄官罰俸六箇月
俱公罪如別處發覺因案審出隨即獲犯究
辦或鄰境關查隨即獲犯究辦俱各照鄰境

獲犯之例減等議處倘兵丁受賄包庇犯該
絞候者失察之該管官降一級調用兼轄官
降一級留任統轄官罰俸一年犯該軍流者
失察之該管官降一級留任兼轄官罰俸一
年統轄官罰俸九箇月俱公罪自行查出究
辦者免議

此係文武各員降調降
留處分均不准抵銷

一栽種罌粟花連畦成畝尚未製煙售賣及收
買鴉片煙尚未售賣者原例杖一百徒三年
今擬栽種罌粟花尚未收漿製造煙土煎熬

煙膏售賣及收買鴉片煙土煙膏尚未售賣
貽害者爲首發極邊煙瘴充軍爲從杖一百
流三千里

一吸食鴉片煙人犯在京各衙門以奉

旨之日爲始各直省以奉到部文之日爲始均予限
一年六箇月限滿不知悛改無論官員軍民
人等一概擬絞監候其在一年六箇月限內
犯者仍分別辦理

一平民吸食鴉片煙在一年六箇月限內犯案

者照舊例加重杖一百流二千里不能供出
販賣之人加一等杖一百流二千五百里係
旗人銷除旗檔一體發賣

一在官人役並官親幕友長隨人等一年六箇
月內在署吸食者照平民加一等治罪該管
官徇隱不究吏部兵部查在官人役並官
親幕友長隨人等在署吸食鴉片煙該管官
知情故縱者革職私罪如係失於覺察照約
束不服例降一級調用公罪自行查察究辦

者免議

一職官買食鴉片煙原例加平民一等治罪今
擬職官買食鴉片煙在一年六箇月內者仍
加平民一等治罪均從重發往新疆地方充
當苦差

一兵丁買食鴉片煙原例加平民一等治罪今
擬在京各旗及各省駐防綠營兵丁買食鴉
片煙在一年六箇月內者發往綠苑軍旗管
及本管營員弁兵部查在京各旗營兵丁

買食鴉片煙該管各官如係知情故縱者革職私罪止於失察者該管官降一級調用兼轄官降一級留任統轄官罰俸一年俱公罪各省駐防兵丁有犯亦照此例辦理至綠營兵丁買食鴉片煙該管各官如係明知故縱者革職私罪止於失察者該管官降一級調用兼統官降一級留任提督總兵罰俸一年俱公罪該管各官自行查出究辦者免議並於挑募時訊取應募人各該族鄰切實甘結

一開設煙館及栽種罌粟等花製煙售賣並興
販鴉片煙首從各犯除現擬死罪外其餘亦
俟一年六箇月後均擬絞監候

一拏獲吸食鴉片煙人犯訊明雖經改悔戒絕
但存有鴉片煙灰未經燬棄者向無專條酌
照不應重律杖八十今擬加二等杖一百治
罪

一製造及販賣鴉片煙器具者照造賣賭具例
分別治罪 吏部查民人製造及販賣鴉片

煙器具係照造賣賭具例治罪失察之該管
官應照失察造賣賭具例革職留任尙未販
賣行用卽能訪獲無論已成未成亦照拏獲
製造賭具例給予加一級 兵部查製造及
販賣鴉片煙器具者旣照造賣賭具例分別
治罪其拏獲及失察之地方武職亦應照拏
獲賭具並失察賭具例分別議叙議處應請
嗣後拏獲製造鴉片煙器具之地方武職首
先之員加一級協拏之員紀錄一次倘拏獲

製造之家審明出於某汛將該汛失察之專
管官降二級留任至境內有存留舊製器具
希圖售賣者該汛專管官未經查出罰俸一
年若境內有販賣鴉片煙器具者專管官失
於查拏別經發覺將失察之專管官罰俸兩
箇月俱公罪

一同居子弟有買食鴉片煙者除本犯照例懲
辦外將家長照不能禁約子弟爲竊之例治
罪

一職官因吸食鴉片煙犯案在一年六箇月以內發往新疆者永不叙用概不准各該城大臣等因事保奏

一宗室覺羅買食鴉片煙者若照平民加一等治罪發近邊充軍謹案宗人府則例僅止折圈二年六箇月加責四十板不足以示懲儆今擬宗室覺羅買食鴉片煙者從重發往

盛京交該將軍嚴加管束至宗室覺羅職官以及王公內有買食鴉片煙者均從重革職革爵

發往

盛京永不叙用並遵照此次章程子限一年六箇
月如限滿復不知悛改仍有吸食者卽照新
定章程加重擬絞監候應按照舊例宗人府
會同刑部恭進

黃冊請

旨

一太監買食鴉片煙者內務府查太監等供役
內廷理宜敬慎倘有故違禁令怙惡不悛尤當嚴

定章程分別懲辦舊例枷號兩箇月改發各省給官兵爲奴未免輕縱亦無區別今當法律森嚴之際若不先行曉諭繼以搜查恐難淨絕根株仍係有名無實擬自此次奉

旨之日起

宮內圓明園各等處由總管內務府大臣徧行曉諭所有首領太監內如有從前吸食之人限一箇月內將煙具等項投內務府衙門自首取具永遠改悔甘結免治從前應得之罪如

一月限滿並無自首之人或僅有一二處二人再由內務府傳知

宮內圖明園總管太監等限三箇月各將本管兼管之處認真稽查如有收藏煙具者即將其人

奏明交出嚴行審訊從重治罪如三箇月限滿並未查出或查出若干人交出治罪後仍有吸食者經內務府大臣訪聞具奏或別經發覺或該管總管蒞領等自行查出檢舉或經同

伴告發如係在禁地坐更

宮殿直房禁門以內各直房吸食者訊係實有其
事究出販煙之人不論有懸無懸初犯再犯
擬將該太監定絞監候

奏明後交刑部監禁待質家屬發往新疆地方給
官兵爲奴其失察之總管奏請革職該處首
領不論知情與否俱發往黑龍江給官員爲奴
奴同屋太監均發往打牲烏喇給官員爲奴
如係首領吸食將失察之本管總管奏請革

職發遣該處其餘首領及太監等俱發吳甸
鋤草五年究出販煙之人若係太監審訊得
實與吸煙之人同罪若係民人交刑部按現
定條規加等治罪如有在外園直房各地坦
公所吸食者一經發覺審擬將該太監枷號
六箇月滿日發極邊煙瘴充軍永遠枷號交
地方官轉飭看管遇

赦不赦其失察之總管奏請實降二級首領革職同
屋太監發吳甸鋤草三年如係首領吸食均

照禁門以內新擬罪名辦理如有告假在外
或潛往私宅或在他處吸食者一經發覺審
實擬將該首領太監在慎刑司永遠枷號不
赦若係該首領私宅將其家屬杖一百徒三
年房屋入官若係他處將容隱之人交刑部
加等治罪亦將房屋入官究出販煙之人交
刑部加等治罪其地方失察處分由各該部
從重議處失察之總管免議至

陵寢當差首領太監等應令該管大臣委員隨時按查

如有吸食者卽行

奏明解交慎刑司嚴訊一經審實擬照外圍辦理
其王公門上之首領太監及各大臣宅中之
太監等應責成該王公大臣等隨時稽查如
有吸食者

奏交內務府審實在慎刑司永遠枷號不赦究出
販煙之人均交刑部加等治罪其地方失察
處分由各該部從重議處若未曾查出別經
發覺將失察之王公大臣附摺叅

奏以上各條擬請統限半年以內有犯者查出審實如此辦理如自奉

旨之日半年以後

宮門以內有犯吸食者將該犯擬斬監候外圍等處

陵寢當差者及王公門上大臣宅中及已爲民太監等有犯吸食者將該犯擬絞監候

奏明後送交刑部監禁屆期由部聲明請

旨至各項失察處分仍照前議辦理併請嗣後

宮內圓明園各等處如有新放更調之總管首領等自到該處之日限兩箇月將應管之首領太監訪查明確有無吸食應奏報者卽行陳奏如實無其人出具甘結交內務府存案倘於報後查出或係新到該處者審係屬實將吸食之人照新定章程治罪外其失察之處酌量援減若始終失察卽照新例定擬治罪至犯案情形不一稽查尤關緊要如有隨時酌定之處分別請

旨遵辦

一粵東洋商向因貿易准與夷人往來然住澳
住行皆有一定限期不准任意羈留嗣後洋
行與夷商交易應遵照定限於賣貨完竣後
卽令起程如有逾限久留卽照違

制律杖一百如查有積囤鴉片情弊照例治罪房
屋查鈔入官

一向例緝私兵弁准帶官編號鳥鎗遇有大
夥鹽梟拒捕准令開放格殺勿論嗣後查拏

鴉片煙遇有太夥聚眾持械拒敵官兵者亦
准施放鳥鎗格殺勿論其拒捕之犯聚至三
人以上執持器械殺人者爲首並殺人之犯
俱擬斬立決傷人之犯斬監候若傷人未死
首犯斬監候爲從下手如刃傷及折傷以上
者絞監候傷非金刃又非折傷及在場助勢
未曾傷人各犯俱發往新疆給官兵爲奴其
聚眾持械未經拒捕之首犯無論與販次數
及煙數多寡俱擬絞監候爲從發極邊煙瘴

充軍

一銷燬煙土應防偷換嗣後州縣等官拏獲煙土解省之日該督撫親自查驗真偽卽行加貼印封存貯司庫酌定日期銷燬屆期該督撫仍將各處解到煙土逐細覆驗沃以桐油並攪和食鹽白礬眼同銷燬務令悉成灰燼投之河海不准委任他員致滋弊混

一沿海各省洋船進口或該督撫親往查驗或派委公正大員前往實力按查其並無夾帶

煙土各船概不准絲毫滋擾庶商情踴躍不致裹足不前現在奉天天津江蘇山東各省業將稽查海口章程開單具奏應令各該將軍督撫率同該關監督實力奉行此外各省海口應責成督撫及海關監督就該處情形詳議章程速行具奏

一各省海關監督稽查稅務是其專責洋船進口有無夾帶鴉片煙土亦應一體稽查嗣後責成該監督嚴飭該關胥吏人等於點驗商

貨時認真檢查報明究治如敢知情縱放並
得賄包庇立即照例嚴懲倘有徇隱偷漏等
弊將來別處發覺卽予懲處 吏部查海關
監督稽查稅務是其專責洋船進口有無夾
帶鴉片煙土責成該監督嚴飭胥吏人等認
真檢查如有知情縱放得規包庇徇隱偷漏
者革職私罪失於覺察犯該斬絞立決者降
二級調用犯該斬絞監候者降一級調用犯
該軍流者降二級留任俱公罪自行查拏究

辦者免議此外不通海道各關津均照此辦理

一鴉片總由海口上岸嗣後各省拏獲煙販應將由何處購買何人經手何人包庇護送並由何處上岸及經過何處地方逐一根究分別受賄知情不知情照例懲辦議處吏部查拏獲販煙人犯審明係由何處購買何人經手包庇護送何處上岸經過何處查有販賣包庇情事州縣官知情故縱者革職私罪

受賄故縱者革職治罪私罪如失於覺察係
吏役犯該斬絞立決者該管官降二級調用
府州降一級留任道員罰俸一年兩司罰俸
九箇月督撫罰俸六箇月俱公罪犯該斬絞
監候者該管官降一級調用府州罰俸一年
道員罰俸九箇月兩司罰俸六箇月督撫罰
俸三箇月俱公罪犯該軍流者該管官降二
級留任府州罰俸九箇月道員罰俸六箇月
兩司罰俸三箇月督撫罰俸兩箇月俱公罪

自行查拏究辦者免議係民人犯該斬絞立
決者州縣官降一級調用府州罰俸一年道
員罰俸九箇月兩司罰俸六箇月督撫罰俸
三箇月俱公罪犯該斬絞監候者州縣官降
二級留任府州罰俸九箇月道員罰俸六箇
月兩司罰俸三箇月督撫罰俸兩箇月俱公
罪犯該軍流者州縣官降一級留任府州罰
俸六箇月道員罰俸三箇月兩司罰俸兩箇
月督撫罰俸一箇月俱公罪如別處發覺因

案審出或上司飭查俱係全獲究辦或鄰境
關查隨同全獲究辦或自行查出獲犯及半
兼獲首犯俱准功過相抵免其議處若獲犯
及半未獲首犯或獲犯尙未及半已獲首犯
俱照鄰境獲犯之例減等議處若沿途經過
並無包庇販賣情事地方官失於查拏者罰
俸一年公罪 兵部查拏獲煙販人犯審明
由何處購買何人經手包庇護送何處上岸
經過何處查有販賣包庇情事專汛官知情

故縱者革職私罪受賄故縱者革職治罪私
罪如失於覺察係兵丁犯該斬絞立決者該
管官降二級調用兼轄官降二級留任統轄
官降一級留任提督總兵罰俸一年俱公罪
犯該斬絞監候者該管官降一級調用兼轄
官降一級留任統轄官罰俸一年提督總兵
罰俸九箇月俱公罪犯該軍流者該管官降
二級留任兼轄官罰俸一年統轄官罰俸九
箇月提督總兵罰俸六箇月俱公罪自行查

出究辦者免議係民人犯該斬絞立決者專
汎官降一級調用兼轄官降一級留任統轄
官罰俸一年提督總兵罰俸九箇月俱公罪
犯該斬絞監候者專汎官降二級留任兼轄
官罰俸一年統轄官罰俸九箇月提督總兵
罰俸六箇月俱公罪犯該軍流者專汎官降
一級留任兼轄官罰俸九箇月統轄官罰俸
六箇月提督總兵罰俸三箇月俱公罪如別
處發覺因案審出隨即自行拏獲究辦或鄰

境關查隨同獲犯究辦俱各照鄰境獲犯之例減等議處若沿途經過並無包庇販賣情事專汎官失於查拏者罰俸一年公罪

一拏獲吸食鴉片煙人犯到案承審之員務須嚴行審訊毋許漏網如有徇情開脫照故出人罪例治罪倘訊係無辜其煙土煙具實係查拏人役栽誣陷害卽將栽陷之人役照例懲辦吏部查拏獲鴉片煙案內人犯訊係無辜之人卽行省釋倘有待質之處令其聽

禁令三
候傳質如有濫行收禁將該州縣照濫禁律
罰俸一年再降一級調用私罪挾私故禁者
照挾私故禁平人杖八十私罪律降三級調
用私罪因而致死者革職治罪私罪

一吸食已戒平民例得免罪而官民應分別辦
理查吸食鴉片期於能戒而止平民已戒卽
同無罪之人若現任官員爲民表率但經吸
食之人卽難更司查辦之職嗣後現任各員
如有曾經吸食者該上司卽行揭叅勒令休

致知而不揭 吏部查現在官員如有曾經
吸食鴉片煙該上司知而不揭照徇庇例降
三級調用私罪 兵部查官員吸食鴉片煙
該上司知而不揭照徇庇例降三級調用私
罪惟吸食全以現在有癮無癮爲斷若無癮
而以爲曾經吸食則人人皆可誣指必須查
有確憑方准揭叅如有挾私揭報及任意叅
奏者 吏部兵部查該上司應照督撫挾嫌
叅劾屬員例革職私罪係誤行揭叅照誤揭

屬員之例降二級調用公罪該員本未斷癮而但以曾經吸食朦混揭報者吏部兵部查該上司應照循例降二級調用私罪一查向例議叙以獲盜爲最優然亦須拏獲應斬決斬梟三名以上或應凌遲者一二名方准送部引

見其道府大員止加一級今拏獲鴉片各案皆蒙特恩破格陞擢未便拘以常例嗣後各省文武查拏鴉片認真出力者准督撫覈實保奏請

旨定奪惟拏獲鴉片全以煙土爲憑一經銷煉真偽
多寡皆難查究嗣後如有拏獲煙案該印官
將所獲煙土煙膏俱用印封實貼開明斤兩
數目如係大夥例得專案奏請者卽行解
省呈驗倘有以僞作真以少報多情弊卽行
從嚴叅處督撫徇情濫保交部嚴議吏部
查則例內載地方各官能將鄰境與販煎熬
之犯並鴉片煙一併拏獲者每二百斤給予
紀錄一次每千斤給予加一級以次遞加獲

至五千斤以上者准該督撫奏請送部引

見恭候

欽定如所獲人犯僅止私種罌粟並非煎熬煙斤者
概毋庸議叙議處等語是向例擊獲與販鴉
片煙二百斤始給予紀錄一次一千斤始給
予加一級五千斤以上始准送部引

見且專指擊獲鄰境人犯始准議叙並無擊獲本境
人犯亦准議叙之條恭查道光十八年六月
十四日據中城御史奏請將擊獲與販吸食

鴉片煙人犯之正指揮李遇亨不論雙單月
遇有同知缺出卽行補用揀調副指揮許之
瑞遇有缺出卽補副指揮和昇榮以應陞之
缺陞用奉

旨允准經臣部查明與定例不符聲明請

旨於七月十三日奉

旨京部奏續獲興販鴉片煙土人犯之正指揮李遇
亨等分別陞補與例未符現在嚴禁鴉片之時李
遇亨等仍著該部遵照前旨陞補以示鼓勵欽遵

在案以後各城擊獲與販吸食鴉片煙人犯
有由本城擊獲別城人犯奏請鼓勵者亦有
本城擊獲本城人犯奏請鼓勵者疊經奉

旨允准

臣部欽遵辦理在案竊思欲絕鴉片煙之流

弊失察處分固宜從嚴而按查鴉片之根株
獲犯議叙亦應量予從寬臣等公同酌議處
分既按罪名輕重分別辦理議叙亦應按罪
名輕重分別等差其有擊獲煙犯自應無論
鄰境本境均准給予議叙以示鼓勵惟姦徒

開設窖口潛買煙土囤積及開設煙館與販
囤積並栽種罌粟收漿製造煙土煙膏煎熬
售賣本境地方官本有失察之咎未便與拏
獲鄰境人犯一律辦理應請嗣後拏獲鄰境
奔徒開設窖口勾通外夷潛買煙土囤積及
開設煙館與販囤積並栽種罌粟收漿製造
煙土煙膏煎熬售賣犯該斬梟一名及一案
內拏獲斬絞立決首犯一名從犯在三名以
上全獲者均准該督撫保奏送部引

見如祇拏獲斬絞立決人犯一名准其加一級斬絞
監候人犯每名紀錄二次軍流人犯每名紀
錄一次如一年之內所獲人數較多只按名
給予加級紀錄亦不足以示鼓勵查錢糧議
叙例內一官經徵分數錢糧能於每年奏銷
前全完應於照常議叙之外量加優叙等語
以後拏獲與販鴉片煙人犯如一年內拏獲
斬絞立決人犯二名或拏獲斬絞立決人犯
一名又兼獲斬絞監候人犯五名或拏獲斬

絞監候人犯十名以上者應比照每年錢糧
全完於照常議叙之外量加優叙之例酌核
辦理除照例給予加級紀錄外亦准該督撫
保奏送部引

見至本境有姦徒開設窖口勾通外夷潛買煙土囤
積或開設煙館與販囤積或栽種罌粟收漿
製造煙土煙膏煎熬售賣地方官自行查出
破案全行拏獲者始准照拏獲鄰境煙案人
犯之例按名給予議叙如與引

見之例相符者亦准其送部引

見其拏獲煙案人犯例應送部引

見之員該督撫但祇聲請議叙者

臣部覈與引

見之例相符卽題請送部引

見如該員另有失察煙案處分覈其情罪相等亦准

其聲請抵銷此內有拏獲煙案人犯實在認

眞出力經該督撫奏請鼓勵欽奉

特旨指明以何官陞用或以何官儘先補用應欽遵
旨辦理卽知照該省遵行如稟摺保奏以何官陞

用或以何官補用欽奉

諭旨允准覈與引

見之例相符查係應陞應補之階卽欽遵辦理無庸
送部引

見若覈與現定章程不符或非應陞應補之階仍由
臣部查取審擬供招將不合例緣由聲明請
旨至現任候補人員拏獲煙犯引

見奉

旨以何項官員陞用及儘先補用者若在未陞未補

之前又有續獲煙犯雖覈與引

見之例相符只照例按名給予議叙毋庸再行調取其業已調取尙未引

見續有拏獲煙犯覈與引

見之例相符者亦只照例按名給予議叙毋庸調取至現任道府大員拏獲鴉片煙案若與同知直隸州以下等官一律辦理亦不足以示區別查道府獲盜定例內載各省道員留心緝捕首先拏獲盜犯覈與州縣官引

見之例相符者每案准其加一級與例不符者每名
准其紀錄一次若係督同屬員拏獲卽毋庸
給予議叙又定例各省試用知府拏獲盜犯
覈與州縣官引

見之例相符者准其遇缺儘先補用與例不符者照
拏獲別境首夥盜犯之例分別議叙至現任
知府有能首先拏獲盜犯數與引

見之例相符者每案准其加一級與例不符者每名
准其紀錄一次若係督同屬員拏獲卽毋庸

給予議叙等語原以道府體制較崇是以獲盜議叙與州縣以下等官亦有區別應請嗣後如係試用知府掣獲鴉片煙案覈與州縣等官引

見之例相符者卽查照掣獲盜案例准其遇缺儘先補用與例不符者分別名數給予議叙其現任道府掣獲鴉片煙案覈與州縣等官引

見之例相符者每案准其加一級與例不符者每名准其紀錄一次若係督同屬員掣獲卽毋庸

給予議叙如地方等官拏獲煙案人犯倘有以偽作真以少報多情弊卽行從嚴參處該督撫徇情濫保將該督撫照徇情例降二級調用私罪 兵部查則例內載地方官能將鄰境興販鴉片煙首犯並煙斤拏獲每二百斤紀錄一次每千斤加一級以次遞加如獲至五千斤者該總督巡撫將該員出具考語送部引

覓恭候

欽定等語是向例俱按獲煙斤數分別議叙且專指
拏獲鄰境人犯而言並無拏獲本境人犯亦
准議叙之條竊思此等姦徒或開設窩口勾
通外夷或開設煙館與販囤積或栽種罌粟
製造煎熬其人犯罪名俱按情節之重輕則
拏獲議叙自不能僅論煙斤之多寡且此等
姦徒非拏獲到官無由破案非若地方失事
有勒限承緝之責若拏獲鄰境案犯准予議
叙而本境僅免失察處分恐各員弁等恃其

破案無由反舍本境應拏之犯而僥倖以邀
功其查拏仍不得力惟本境員弁本有失察
之咎亦未便與拏獲鄰境人犯一律辦理查
例載副將以下拏獲鄰境盜犯罪應斬梟斬
決數在三名以上該員本任並無承緝逃盜
准該督撫奏請送部引

見恭候

欽定倘未及三名按其罪名分別議叙至總兵果能
留心緝捕覈與副將以下等官引

見之例相符者給子加一級其與引

見之例不符者仍照拏獲夥盜例每名紀錄一次又
定例地方武職各官一年內拏獲過境十人
以上帶有軍器大夥私梟至五起者不論俸
滿卽行陞用各等語應請嗣後拏獲鄰境開
設審口等犯如僅獲煙斤人犯未獲仍照舊
例按煙斤多寡分別議叙外如首先拏獲罪
應斬梟及斬絞立決人犯數在三名以上者
卽照拏獲鄰境盜犯之例准該督撫奏請送

部引

見恭候

欽定如未及三名而一年內能全獲五起其首犯內
有罪應斬梟斬絞立決一二名或俱應斬絞
監候者除按名給予加級紀錄外仍照擊獲
大夥私梟之例不論俸滿卽行陞用協擊之
員亦按其罪名分別減等議叙如祇擊獲斬
梟人犯一名者加二級斬絞立決者加一級
監候者紀錄二次軍流者紀錄一次如係總

兵拏獲賊與副將等官引

見之例相符者每案准其加一級與例不符者仍照
拏獲夥盜例每名紀錄一次如係督同屬員
協拏者仍毋庸給予議叙至本境有開設窩
口等犯地方官能自行查出破案全行拏獲
內有罪應斬梟及斬絞立決數在三名以上
者亦准該督撫奏請送部引

見如未及三名而一年內能全獲十起其首犯內有
罪應斬梟及斬絞立決三名或俱應斬絞監

候亦准照擊獲大夥私鴉之例不論俸滿卽行陞用八起以上加二級四起以上加一級三起以下每一起紀錄一次如地方武職各官擊獲煙案人犯倘有以僞作真以少報多情弊卽行從嚴參處該管各上司徇情濫保照循情例降二級調用私罪

一查擊鴉片與販與吸食並重今擊獲與販者得邀議叙而擊獲吸食者並無獎賞非獨兵役不能得力卽員弁亦有懈心恐吸食一日

不盡卽與販一日不絕現在京內五城拏獲
職官吸食者已遞陞擢嗣後各省如有能訪
獲吸食設法緝拏驗明屬實且人數較多或
不止一案准各督撫查明實在出力之員酌
量奏請議叙 吏部查拏獲與販鴉片煙人
犯係鄰境則分別罪名給予議叙係本境則
必全行拏獲始准分別罪名給予議叙原以
一有與販則流毒亦不止一人是以拏獲鄰
境與販人犯議叙概予從優卽拏獲本境與

販人犯如能功足掩過亦不沒其微勞至吸食人犯現擬一年六箇月內擬流一年六箇月外擬絞若與拏獲與販人犯同按罪名議叙礙難覈辦且此等人犯有在別處未曾吸食而來至某處吸食者有在別處曾經吸食而來至某處復行吸食者有土著紳民愍不畏法而私行竊食者若與拏獲與販人犯無論鄰境本境一律分別議叙亦有未協其拏獲吸食人犯與拏獲與販人犯情節既有輕

一重甄叙亦須稍分等差如有拏獲吸食人犯
自應照拏獲興販議叙量爲從減而失察處
分亦當稍有區別應請嗣後拏獲吸食人犯
實係土著紳民祇免其失察處分毋庸議叙
若有別處發覺因案釋出或上司飭查俱係
全獲究辦或鄰境關查隨同獲犯究辦均准
免其議處如犯被鄰境拏獲該管地方官並
未隨同獲犯照防範不嚴例降一級留任公
罪至往來官紳商民遷徙靡常與實在土著

者迥不相同勢不能再行分別鄰境本境以
致事多膠轕自應無論在何處吸食既行破
獲每名准給予紀錄一次以示激勸而昭平
允一年內能拏獲十五名以上除照例給予
議叙外准該督撫保奏送部引

見
兵部查則例內載地方武職各官一年內拏獲
過境小夥私梟每二起紀錄一次應請嗣後
拏獲吸食鴉片煙人犯無論鄰境本境每二
案紀錄一次八案加一級十五案加二級如

員弁等果能實力查禁獲犯多起准該督撫酌量保奏。

一在京各衙門及外省督撫有將吸食鴉片之員列入

京察卓異別經發覺即將原保舉官議處吏部查吸食鴉片之員保舉

京察卓異者原保官照濫舉匪人例降二級調用私罪自行查出揭參者免議惟屬員吸食與否斷難先期逆料如保舉前實未吸食保舉

後始經吸食原保官應請免其議處至有將
緊要差使派委吸食鴉片之員因而誤公者
統視所誤公務之大小將原派官分別嚴議
不得僅以失察論

一京城地面五方雜處稽察尤應嚴密應責成
步軍統領衙門順天府五城各按所轄地面
嚴飭所屬隨時訪察遇有與販吸食者無論
滿洲漢人官民良賤一體查拏分別奏咨送
交刑部審明治罪其客店廟宇會館如敢知

情窩藏留住或得賄縱容查明一律按例懲治並嚴禁番役兵捕人等藉端訛索以省擾

累

一保甲之法原以緝捕姦究今當嚴禁鴉片之時荒村僻鎮難保無匪徒潛匿應令嚴飭所屬地方官認真編查以十家爲一牌設一牌長每牌上除將逐戶人數生業詳細開載並將與販吸食鴉片罪名開列俾衆共知責成牌長如牌內之人有犯卽行舉發倘有受賄

知情等弊一經犯案與地保鄰佑一體懲辦
一朔望宣講宜廣爲勸諭查與販之徒懸不畏
死固非語言所能化導至吸食之人各有身
家果知一經吸食卽犯死罪未必不痛自改
悔嗣後地方官應於朔望宣講後卽將吸食
鴉片之害傳集衆人明白宣示庶父誡兄勉
咸知自愛

以上各條臣等悉心商酌積弊已久非嚴刑峻
法不足挽回有就舊例所無原情定罪者有因

舊例稍寬量爲加重者總期施行無礙有犯卽懲嚴與販以清吸食之源治吸食以絕興販之望此外應有各弊悉細講求準情示罰應請

旨飭下各將軍督撫等各宜激發天良同心協力鼓其勇敢之氣祛其迴護之私持之以恆體之以實勿因畏難而中輟勿以條教爲具文有治人而後有治法積弊雖深轉移有術總使人人知所警惕則畏法者日衆自犯法者日少而積重難返之端無難立見肅清化臻刑措以仰副我

皇上惠愛黎元除惡務盡之至意奉

上諭上年黃爵滋條奏鴉片積弊請旨設法嚴禁當
交各將軍督撫等各抒所見妥議以聞嗣經陸續
奏到並據科道等官先後條陳特降諭旨交大學
士軍機大臣會同各該衙門議奏茲據詳議章程
會同奏入朕詳加披閱尙屬周妥俱著照所議辦
理並著纂入則例永遠遵行各該衙門其卽速行
刊刻頒發各直省將軍督撫等轉行所屬地方文
武員弁一體遵照明白出示曉諭咸使聞知朕維

姑息非所以愛民明刑卽所以弼教鴉片來自外夷日甚一日兼以內地栽種罌粟影射漁利軍民人等受其毒者始則被人引誘繼乃習爲泛常甚至蕩產戕生罔知悔改關係於人心風俗者甚鉅若不及早查禁永杜弊源則傳染日深其害伊於胡底朕痼癥在抱欲爲天下除此禍患不憚再三訓誡特議刑章以期易俗移風還淳返樸因思海販窩口實爲禍首罪魁倘非一律從嚴概置重典不足以防偷漏而塞來源至吸食之弊一日不斷

則與販之來一日不絕亦不得稍從寬宥今定以
死罪立限嚴懲此外種種流弊尤應隨時隨地實
力稽查歷久不懈庶幾根株淨盡力挽澆風惟是
有治人而後有治法該將軍督撫等果能早爲查
辦何至流毒如今日之甚朕姑寬其既往自此次
明定章程以後其各激發天良湔除積習同心協
力仰體朕懷爲民除害其有不肖屬員諱飾不辦
者立即據實嚴參重治其罪倘仍意存玩泄視條
教爲具文或畏難苟安或始勤終怠則是甘心骯

法自喪天良朕言出法隨決不寬貸其各凜遵毋
忽

又奉

上諭林則徐等奏夷人帶鴉片煙來內地者請照化
外有犯之例人卽正法貨物入官議一專條並暫
時首繳免罪如何酌予限期之處著軍機大臣會
同刑部議奏旋經奏言臣等伏查鴉片煙流毒中
國爲害日深究其根源皆由夷船潛帶入口
希圖售賣獲利以致愚民被誘吸食寢以成

風現經疊奉

諭旨將鴉片煙案犯從嚴定罪以期盡絕根株臣等
業已會議章程具奏奉

旨准行在案其外夷售賣鴉片煙之躉船在粵東者
亦經

欽派大臣會同該督撫設法購獲勒令將煙土全數
繳出銷燬夷人貿易中土均在

聲教之內亦當知所儆畏悛悔於心惟念夷情嗜利
現在雖經嚴辦猶恐將來復蹈故轍非議定

治罪專條尙不足以示懲儆查律載化外人
犯罪者並依律擬斷又新例載沿海姦徒開
設窩口勾通外夷潛買鴉片煙土囤積發賣
者首犯斬立決從犯絞監候各等語臣等議
請此後夷人如帶有鴉片煙入口圖賣者爲
首卽照開設窩口例擬斬立決爲從同謀者
從嚴擬絞立決由該督撫審明確係帶賣鴉
片煙首從正法並無替冒情弊卽交該地方
官督同該夷人頭目將各犯分別正法起獲

煙土全行銷燬其間船之衆是否均係知情
亦由該督撫分別酌量懲治所帶貨物概行
入官以杜貪頑而嚴法禁恭俟

命下_臣等卽行知兩廣總督以奉文之日爲始予以
一年六箇月限期如於限內自首將煙土全
數呈繳者仍免其治罪奉

旨依議

右鴉片煙之禁

粵海關志卷十九終